

عابر سبيل

أشعار بالعامية المصرية
للشاعر / اشرف خالد الكروبي

إهداء

إلى من أرى جنتي في رضاها
أبي و أمي بارك الله فيهما
إلى إخوتي و أخواتي الأعزاء
إلى شقيقتي الكبرى (نعيمة خالد كردي)
إلى إخلاص أصدقائي الأوفياء
إلى نقاء زوجتي
إلى أبنائي (خالد و اسراء)
إلى كل مبدع و قارئ

أهدي هذا العمل

أشرف الكردي

تعايش

لما تتوجع ..
حيطان كل البيوت
تفضى الشوارع..
م الرايح واللي جاي
أفضل انا وحدي
واقف مع الشارع
مين اللي حيقفل ..
حنفيات الألم اليومي..
علشان ما سمعشي الام ..
تاني

عشم

البنـت..
اللي بتـحلمني أكون
و أكون
عيزاني أغير كل الكون
و أقول لدنيا ..
كن.
فيكون

تداول

لسة البنات ..
عمّاله تحلم ..
بالحصان و الفارس
و النسوة لسه بيحبوا
و يخلفوا في عيال
و الأرض أوسع ..
من بطون الناس
و العمر قَطْر ..
بيركبوا كل اللي رايح ..
و اللي جاي

بدون إجابة

لحد امتى؟ ..
حاعيش..
علي شفق الحياه
مغلوب..
و مستني الفرج
الخطوه اصغر م القنايه
رجليه مش عارفه البدايه
و النهايه
و لحد امتى؟..
ح ننتظر..
الشمس..
تشرق م الولايه

بدیہیات

روحى اشتهكى وجع
لطريق بريء م الخيانه
لما سمع شكوتى
بصيت لقيت البري
خلع هدوم الزيف
ف رجعت اعيش تاني

موازنة

لساه بيحلم بالمرتب
و هدومة بتزيد كل يوم
رقعه

(٢٦)

طقوس

شجر الهموم..
طارح على السكه
يسقي عصير المواجه
للإكتب ليهم
و العكبوت ...!
ناسج على الجدران..
غنوايه لليل اللي جاي

عَبَقُ

زادت شقوق البيوت
لكنها ..
أبدا ما كانت للهدد بتميل
الشمس نفس الشمس
تشرق و تغرب
لكن بطون الخلق
ما بتشبعش

مواجهه

متعلق..
طرف لسان الباب
بيهز..
الوجع الساكن..
جوه ضلوعي
عداد التاكسي الواقف..
فوق الجبهة..
بيعد رمال الشارع
مشروع الصرف..
اتحول جوه دماغي
و انا قاعد احلم..
افتح باب الشقة
و اخرج..
بره دماغي..
اللي ح تقتلني من التفكير

تعت

بأهرب..
من كل حيطان البيت..
اللي بتملكني حاجاته
و باسيب قلبي و كراسي..
و كل حاجاتي اللي انا بعشقها
و الساعة الثابته..
على جدار الدنيا..
مش راضية تسبب لي دقيقة..
متحسبهاش من عمري
ولا حتي الزمن..
اللي بيرسم ملامحنا
مش راضي يسبب تجعيدة..
مايرسمهاش في ملامحي

تمرّد

ما تروحشي دماغك..
لبعيد
ح تبص من الشباك تلتاك
واقف..
في وشوش اللي في سنك
مستني..
اللي الفرصة اللي تطلعك ريش..
في جناحك

خیانه

بعد النَّفس الأخير
من عمر مِليان
الخيوط بالسودة
حيقَطعوا لحم الملك
و يغنوا للملك الجديد
و يحكوا فيه حكايات

تفاعل

قالت لي كلام
مالوش معني
وشوفت الحزن في عنيتها
و كان قمرى..
هنا طالع
و سيبت الحلم..
في الشارع
و شوفت..
النخاسين يبييعوا..
غوايشها
و كراسها
و احساسها
شربت المر في القهوة
و قلت أكيد..
ح يجي نهار

و تنهار الليالي السوداء..
و تنور
و انا دلوقتي..
بستنظر
و بستنظر
و بستنظر

وطنیه

الجرح اللي انتَ جرحته لك
راح يدعي عليك..
من احزاني
بتمد اديك..
لضلمة
عنيك..
بتشوفك طيف
و السيف..
متعلق في رقبتني
و الزيف..
اللي رسمني و رسمك
كاتب اسمك..
على باب قلبي

بشری

الفجر ما آدن..
ولاء
آدن ولي
الفجر ما آدن..
ولاء..
آدن ولا ادن
ولا..
لسة العيون..
بالليل دموع..
متكحلا
و انا منك انتي..
ايه اكون
انا اللي منك..
دمعة..
بتصحي العيون

انا اللي منك..
حضنك..
الدافي الحنون
يا معودانا..
ع الصفى..
رغم الجفى
يا امي يا لحن الوفا

المعنى بسيط

حدود
و انا بحلم أهرب..
م الدود الناخر..
في حدودي
اتبعت..
احلم باللمه
الغمه..
تلاعب احلامنا
اللقمه المرة على جنبنا
بتاكلنا و تاكل حبيبنا
محناش
و مانيش
و الخوف بينتف..
من جناحتنا الريش
و الضلمة تطبط..
ع الخفافيش

ليه تدور..
على حد يغشل
وتغير..
في ملامح وشك
طب ليه؟..
انتى الفلاح
وانت الزرعة
و الترة..
الحب اللي جمعنا
و الحل بسيط
كامن في النور..
اللي في رسمك
و المعنى بسيط

ذکری

كانت..
ويا القمر حكاية
شمس بتشرق..
من جوايا
شط و مرسى..
و بحر و أية
كانت..

حلم

و انا وياكي ..
بحب النور
ارسم حلمي ..
مع العصفور
و افضل اطيير..
في سماكي و الدور
حلم صغير ..
جوه عنيكى..
بيكبر يكبر
و ألقى الجنه ..
و ألقى الحور
جوه عنيكى..
بحب النور

صباح

صباح الدم ..
صباح النار..
و شق الأرض لقبورنا
و تكفين الورود بالعار
صباح الدم
صباح الهم
صباح ماتوا هنا الشوهدا
عشان يجي صباح ثاني
صباح بيبدد السخرة
و لو جي الليل..
يجيب قمرة
و شجرة طارحة رباني
صباح الفل
صباح النور
و إيد على إيد
و قلب جسور

يهز الخوف
يزيل الزيف
يطهرنا
يجمعنا
يصفينا من الأطماع
لا حد يبيع
ولا واحد يخاف يتباع
صباح بالنور
على نورنا
ولا نصبح من الثُّبَاع
صباح بالخير
صباح للخير
صباح الخير

برد

برد
والليل
و الورد
أحلام
عصافير
في الزنزانه
و البرد الساكن جوانا
بيجمد فين الإحساس
وعيون الناس..
مليانه كلام
و حكاوي و برد وخوف
الر عشة تصحي الحلم
البایش تحت الجلد
تجاعيد تتمايل في العتمه
تتحكم في الأنفاس كتمه..
أثقلب..

على كف الوسواس الخناس ..
و الهم الطابق على روحنا
نتعوذ و نداوي جروحنا
الحلم البردان في جبيني
يتحقق ..
يطلع مش ليه
و أمد ايديه..
يشوروا لي..
عصافير ..
من جوه الزنزانه
الحلم اللي انتى بتحلم بيه
عايش جوانا
يا تعيش انسان من غير حلمك
او تيجي تعيش..
عصفور بالحلم في زنزانه

إيه اللي ححصل ثاني

الزّرع شيطانى
ايه اللى ح يحصل تانى
غربان السكة..
إتلموا خلاص
و ماعادشى خلاص
افتح شباكك..
او لم شباكك..
مش فارقة
الصيد مبقاش..
بالمعنى المألوف
الحوث بيطوف..
الخوف..
بقى هو اللى ملكنا
الغربة اتزرعت جونا
كوتشيننا بيتسلوا علينا
و ايدين الكلب تفرقنا

والمجني عليه هو الجاني
والمشارع شرع مشروع
ح تطاطوا دماغكم
يا تجوعوا

بيني و بينك

ايه اللي فاضل بقى
علشان أعدوا لك
البحر غرق مركبي
و انا اللي صافي له
و الشط راسم حينا
مخنوق على الرصفان
بيتي بقى ..
عشة
فرشي بقى..
فرشة
إيه اللي دخلهم هنا
بيني انا و بينك
صبحم سيادك
و انا ..
عبدك و انديلك

اخذت التراب..
والذهب..
بقى ملك في ايديهم
وانا اللي زارع عنب
تخديه و تسقيهم
واعطش و استني..
يسقوني بايديهم
الزاي احبك بقي
ما انا قلبي في ايديهم

حيرة

عصفور..
وجناح مكسور..
و السور ..
بيلف على اللي عليه الدور
و يخذني لهيب القلب الدايب
أسرح..
لو إنك نمت
صحيت على غارة
و دموع بتمطر..
في بلادك
و الدم بينزف..
م الجناحات و الريش
لو إنك قمت تصحي..
عروق الدم..
اللي ف جسمك
دمك ما صحيحش
راح تعمل ايه

تتور

فراشة ونور
وف عز صيام القلب ..
عن الدقات الزائدة
بشدني تاني حنيني..
لنفس الدائرة
فراشة ونور

محتويات الديوان

م	عنوان القصيدة
١.	تعايش
٢.	عشم
٣.	تداول
٤.	بدون إجابة
٥.	بديهيات
٦.	موانة
٧.	طقوس
٨.	عبق
٩.	مواجهه
١٠.	تعند
١١.	تمرد
١٢.	خيانة
١٣.	تفاعل
١٤.	وطنية

م	عنوان القصيدة
١٥	بشرى
١٦	المعنى بسيط
١٧	ذكرى
١٨	حلم
١٩	صباح
٢٠	برد
٢١	ايه اللي حيحصل ثاني
٢٢	بيني و بينك
٢٣	حيرة
٢٤	تنور

